

Bondia

Ha’u-nia respeitus ba:

- Xefe Estadu Maiór Jenerál F-FDTL, Majór Jenerál Lere Anan Timur
- Vise Xefe Estadu Maiór Jenerál F-FDTL, Brigadeiru Jenerál Falur Rate Laek
- Xefe Estadu Maiór F-FDTL, Koronel Calisto Santos “Coliati”
- Xefe Misaun Adjuntu, Pip Venning, Embaixada Australiana
- Konselleiru Shusaku Hirashima, Embaixada Japoneza
- Warrant Officer Aaron French, Embaixada Nova Zelandia
- F-FDTL nia Komandantes Komponente sira
- Distintus bainaka; no partisipante sira iha Harii Hamutuk tinan 2020.

Bondia no obrigada konvida ona ha’u hodi mai koalia.

Lori Estadus Unidus Amérika nia naran, ha’u orgullu hamutuk ho ita-boot sira ohin hodi taka ezersísiu anuál Hari’i Hamutuk ba dala 7. Tinan ida-ne’e, ezersísiu ne’e halibur membru sira husi F-FDTL, Forsa Defesa Australiana, no Estadus Unidus nia Forsa Navál Seabees.

Ita-nia ekipa sira foti medidas estraordinárias hodi kumpri prosedimentus kuarantena nian atu nune’e ita bele treina no Hari’i Hamutuk ho seguru.

Tinan ne’e, Hari’i Hamutuk inklui ona pelumenus parseirus 50 ho objetivu-hanesan serbisu hamutuk besik fulan ida hodi treina no ezekuta projetus konrusaun lubuk ida.

Ha’u louva ita-boot sira-nia esforsus hodi inklui enerjia renovável atu fornese eletrisidade ba F-FDTL nia postu ida ne’ebé halao knaar ajuda mitiga propagasaun COVID-19.

Ekipa ne’e mós konstrui ona instalasaun foun ida ba manutensaun iha Baucau ne’e, ne’ebé sei apoia planu atu aumenta Kompaña Apoiu no Servisu ida tan. Iha Baucau mós, Estadus Unidus nia Seabees no F-FDTL nia enjeñeiru sira kontinua konstrui sala-de-aula kuartu-tolu iha Ensinu Báziku Sentrál Vila Nova.

Esforsu hirak ne’e hatudu tema prinsipál kooperasaun defeza Estadus Unidus ho Timor-Leste nian maka: haforsa Timor-Leste nia kapasidade atu fó assisténsia umanitária no responde ba dezastre, no ninia interoperabilidade ho parseiru multinasionál sira iha tarefa importante ida-ne’e.

Hari’i Hamutuk mós hametin relasaun entre ita-nia forças-armadas, iha ne’ebé ita kompartilla istórias (tantu iha lian Inglés nomós Tétun), fahe hahán ba malu, no hari’i amizade duradoura.

Ita sai forte liután bainhira ita bele interoperável, no ezersísiu sira hanesan Hari’i Hamutuk sei integra Timor-Leste ho di’ak liután ho ninia parseiru sira iha Indo-Pasífiku. Ha’u gosta refere ba ne’e hanesan ho “konstrui ponte sira.”

Ita bele haree mós katak Hari’i Hamutuk konstrui daudaun demokrasias – nasaun hirak ne’ebé partisipa iha Hari’i Hamutuk reprezenta compromisu komun ida atu promove valores demokráticas iha rejiaun Indo-Pasífiku. Obra husi ita-nia forças armadas hatudu oinsá forsa defeza sira iha demokrasia ida funsiona atu apoia povu.

Ha’u sei termina ho afirma katak Estadus Unidus sei kontinua halo parseria ho F-FDTL hodi espande kapasidades enjeñarias. Estadus Unidus nia Seabees foin daudaun ne’e kompleta ona ninia projetu ba

dala 100 no sei kontinua ezekuta projetu sira iha futuru hamutuk ho F-FDTL nia enjeñeiru sira.

Projetu hirak ne'e fó benefísius ba povu Timor-Leste enkuantu promove obra konstrusaun ho padraun kualidade-aas. Ami komprometidu atu F-FDTL nia Enjeñeiru sira fornese nafatin obra kualidade-aas ne'ebé hanesan tantu iha Timor-Leste ka karik bainhira destakadu ba iha Misaun Nasoens Unidas nian.

Independentemente husi tarefa ne'ebé iha, ami nafatin iha ne'e hodi halo parseria ho ita-boot sira.

Parabéns ba partisipantes hotu-hotu iha Hari'i Hamutuk. Ha'u espera halibur hikas ita-boot sira hotu ba Hari'i Hamutuk iha tinan 2021.

Obrigada!